



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCVI. Erectio Religionis Bethlemitarum sub Regula S. Aug. in Ind. Occiden.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

personæ in Ecclesiastica dignitate constitutæ mun-
nitis, eandem prorsus fidem tam in Judicio,
quam extra illud ubique locorum habeatur, quæ
haberetur ipsis præsentibus, si exhibitæ forent,
vel ostensa.

Datum Romæ apud Sanctum Petrum sub An-
nulo Piscatoris die XXIV. Martii MDCCX. Pon-
tificatus nostri Anno Decimo.

XCVI.

Erigitur Congregatio Bethlehemitarum sub Regula
S. Augustini in Indiis Occident. in veram Re-
ligionem.

*Erecta fuit hujusmodi Congregatio ab Inn. XI. Const.
ed. 1687. Mar. 26. & Jun. 14. Hujus Pon-
tificis Const. ed. 1707. Jul. 18. P. 7. concessa
fuerit Privilegia. Et Const. ed. 1714. Dec. 22.
P. 15. agitur de gubernio hujus Congregationis.*

CLEMENS PAPA XI.

Ad perpetuam rei memoriam.

Dat. 3. Apr.
1710. An. 10.

Exordium.

EX debito Pastoralis Officii, quo Ecclesiæ Ca-
tholicæ per univèrsam Terrarum Orbem dif-
fusæ regimini divina dispositione præsidemus,
Congregationes Christianissimæ pietatis, & Chri-
stianæ charitatis operibus ad pauperum infir-
morum, & convalescentium subventionem, &
utilitatem laudabili studio incumbentium pater-
no charitatis affectu prosequimur, felicique il-
larum statui, ac ut personæ, quæ tam pium vi-
tæ institutum susceperunt in ea vocatione, in
qua vocatæ sunt, perseverent usque in finem,
opportunitis rationibus, & favoribus providere
studemus, sicut omnibus mature consideratis ad
Omnipotentis Dei gloriam, piorum operum in-
crementum, & animarum salutem expedire in
Domino arbitramur.

Confraternitas Bethle-
mitarum instituta an.
1653. & confir-
mata a S.
Sede, in Cong-
regationem
erecta fuit
an. 1687. ab
Inn. XI. sub
Regula S. Au-
gustini cum
peculiaribus
Constitutioni-
bus, exem-
ptione ab Or-
dinaris loco-
rum, ac elec-
tione primi
Generalis.

§. 1. Alias siquidem nempe anno 1653. post-
quam in Civitate Guatimalæ in Indiis singulari
pietate quon. Petri de Betancur a Sancto Jose-
pho Viri ob ejus erga Deum amorem, ac Pau-
perum convalescentium, ægrotantiumque cha-
ritatem, aliasque ejus virtutes (ut asserbatur)
satis abunde clari Confraternitas Bethlehemita-
rum nuncupat, prius Ordinarii, & deinde Sedis
Apostolicæ auctoritate confirmata exordium de-
sumperat, ac Benedicente Domino adeo excre-
verat, ut ad annum 1687. undecim Hospitalia
cum Domibus Religiosis, in quibus plures Reli-
giosi nedum in ægrotantium, convalescentium,
ac contagioso morbo laborantium cura æque pia,
& laudabiliter se exercebant, verum etiam in
puerorum eruditione sedulo incumbabant, inte-
gre erecta, & fundata reperirentur, se. re. Inno-
centius PP. XI. Prædecessor noster attento tam
ejusmodi spirituali rerum augmento, & ex eo,
quia prædictæ Confraternitatis viri strictius Dei
servitio se mancipari cupiebant, supplicationi-
bus dilecti filii Roderici a Cruce, qui tunc ad Al-
mam Urbem nostram, tunc suam pro expeten-
da illarum Confraternitatum erectione in ver-
ram, & Religiosam Congregationem cum con-
cessione Generalatus pro prima vice in ejus per-
sona missus fuerat benigne inclinatus, dictam
Confraternitatem, seu Societatem Confratrum
Bethlemitarum pauperum convalescentium in
Congregationem sub Regula S. Augustini, sub
quibusdam Constitutionibus auctoritate Aposto-
lica perpetuo erexit, & instituit, ac eisdem
Constitutiones toto illarum tenore inserto cum
omnibus, & singulis in eis contentis confirmavit,
& approbavit, illisque inviolabilis Apostolicæ
firmitatis robur adjecit, ac omnes, & singu-
los juris, & facti defectus, si qui desuper quo-
modolibet intervenissent, supplevit. Præterea
eamdem Congregationem sic per eum erectam,

ejusque Confratres, & Hospitalia, Ecclesias,
& personas quascumque ab omnimoda juridi-
ctione, & correctione quorumcumque Ordina-
riorum locorum eadem auctoritate exemit, ac
plénarie liberavit, ipsamque Congregationem,
Confratres, Hospitalia, Ecclesias & personas
hujusmodi sub immediata sua, & Sedis Aposto-
licæ protectione, & subjectione pari auctoritate
suscepit, & alias prout in ipsius Innocentii Præ-
decessoris die 26. Martii dicti anni 1687. in simi-
li forma Brevis expeditis literis, quarum teno-
rem præsentibus pro plene, & sufficienter ex-
presso, & inserto haberi volumus, uberius conti-
netur. Postmodum vero idem Innocentius Præ-
decessor accepto, eundem Rodericum profes-
sionem in eadem Congregatione juxta prædictas
Constitutiones expresse emisit, illum in primum
Superiorem Generalem dictæ novæ per eum ere-
ctæ Congregationis per alias suas in eadem forma
Brevis die 14. Junii ejusdem anni 1687. emana-
tas literas ad sexennium a die, quo idem Rode-
ricus ad Civitatem Guatimalam prædictam ad-
venisset numerandum, cum omnibus, & sin-
gulis prærogativis, præminentis, facultatibus,
auctoritate, privilegiis, gratis, & indultis, ac
honoribus, & oneribus, quæ ejusmodi Superiori
Generali per eandem Constitutiones ab eo con-
firmatas supradictas tribuebantur, & præscribe-
bantur, Motu proprio, & ex certa scientia
sua, deque Apostolicæ potestatis plenitudine
constituit, & deputavit, prout in his posterio-
ribus ipsius Innocentii Prædecessoris literis etiam
uberius continetur.

§. 2. Cum autem, sicut dilecti filii Michael
a Jesu Maria Procurator Generalis, & Franciscus
a Sancto Antonio plurium graviorum voca-
lium dictæ Congregationis Procurator in Curia
ejusdem Congregationis nomine Nobis nuper ex-
poni fecerunt, quamvis in hujusmodi eorum
Religiosa Congregatione singula, quæ veros, &
formales decet Regulares tum respectu habitus
tum cæterorum operum, ad quæ juxta prædi-
ctas Constitutiones tenentur, adimpleantur, ac
octodecim in Congregatione hujusmodi Hospi-
talia totis numeris absoluta de præsentis reperiantur,
necnon in Liman., & Mexican. pro qualibet
domo Religiosa quinquaginta, vel circiter, in
cæteris vero quadraginta, triginta, aut viginti
quinque, & singulis respectivo Hospitalibus non
minus duodenario numero Religiosi collocari, &
assistere soleant, nihilominus ipsi exponentes ip-
sam eorum Congregationem in veram, & for-
malem Religionem, in qua non vota simplicia,
ut de præsentis, sed expressa, & solemnia, sicut
in quatuor Mendicantium Ordinibus, cæteris-
que approbatis Religionibus in posterum ab om-
nibus perpetuo proficiantur, itaut in posterum
dictæ Congregationi Religionis, & Ordinis, ip-
sis vero fratribus illud Religiosi, & veri Regularis
nomen respective conveniat, atque Religio
hujusmodi tam quoad Hospitalia, quam quoad
personas, & inservientes quoscumque a jurisdic-
tione Ordinarii, necnon ut antea sub Regula
ejusdem S. Augustini compatibiliter cum eisdem
Constitutionibus per prædictas Innocentii Præde-
cessoris super ejus in Congregationem erectione,
& ipsarum Constitutionum confirmatione ema-
natas literas supradictas stabilitis, prout in eis-
dem literis sancitur, exempta intelligatur, &
esse debeat, salva tamen aliqua correctione, &
nonnullarum earundem Constitutionum appen-
dice, quæ ad constituendam essentialitatem ver-
ræ, & formalis Religionis ad prosperum ipsius
gubernium, & incrementum omnino necessaria
esse existimantur de novo per Nos erigi, appro-
bari, & confirmari plurimum desiderent. Nos
eorundem Michaelis, & Francisci Procurato-
rum votis hac in re quantum cum Domino pos-
sumus favorabiliter annuere volentes, & eorum

Preces Cong-
regationis,
& rationes
pro ejus ere-
ctione in Re-
ligionem
cum appen-
dice ad Con-
stitutiones.

singulares

singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absoluturas fore censentes, supplicationibus eorum nomine Nobis super hoc humiliter porrectis inclinari, de venerabilium Fratrum nostrorum S. R. E. Cardinalium super hoc negotio specialiter deputatorum, qui illud mature perpendunt, consilio, praefaram Congregationem Bethlehemitarum in Indiis Occidentalibus in veram Religionem cum votis solemnibus ex integro etiam ab iis, qui haecenus vota hujusmodi in eadem Congregatione emisissent, emittendis; Ita tamen, ut nova vota emittentes prius de inefficacia praecedentium votorum ad constituendum eos veros Religiosos certiorentur, auctoritate Apostolica, tenore presentium perpetuo erigimus, & institimus.

§. 3. Decernentes, easdem praesentes literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quocumque spectabit in omnibus, & per omnia plenissime suffragari, & ab eis respective inviolabiliter observari: sicque in praemissis per quoscumque Judices Ordinarios, & Delegates, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attendari.

§. 4. Non obstantibus praemissis, ac Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon Congregationis, & Hospitalium praedictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentis, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

§. 5. Volumus autem, ut earumdem presentium literarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica dignitate constitutae munitis, eadem prorsus fides ubique locorum tam in judicio, quam extra illud habeatur, quae ipsi praesentibus haberetur, si forent exhibitae, vel ostensa.

Datum Romae apud Sanctum Petrum sub Annulo Piscatoris die III. Aprilis MDCCX, Pontificatus nostri Anno Decimo.

XCVII.

Conceduntur Indulgentiae Perp. gestantibus Scapularia parva, distribui solita a Clericis Regularibus Theatinorum.

Inn. XII. Const. ed. 1691. Jul. 15. P. 1. extat Canonizatio S. Cajetani Thienai. Et hujus Pontificis Const. ed. 1712. Maji 22. P. 12. Canonizatio S. Andreae Avellini.

CLEMENS PAPA XI.

Ad perpetuam rei memoriam.

Exordium.

Celestium munerum Thesauros, quorum dispensationem humilitati nostrae commisit

divina dignatio, fidei prudentique liberalitate libenter erogamus, sicut pia Religiosorum virorum in sortem Domini assumptorum, vota postulant, & nos ad incitandam, fovendamque fidelium pietatem, necnon augendum potissimum erga Gloriosissimam Virginem Dei Genitricem Mariam cultum, ac devotionem profuturum in Domino arbitramur.

§. 1. Alias siquidem se. rec. Clemens X. Praedecessor noster Clericis Regularibus Congregationis Theatinorum nuncupatorum Scapularia parva caerulei coloris benedicendi, illaque Christianidelibus pio devotionis erga Mysterium Conceptionis B. Mariae Virginis Immaculatae affectu ea gestare cupientibus, quemadmodum in Hispania jam dudum fieri consueverat, distribuendi licentiam, & facultatem sub certis modo, & forma tunc expressis auctoritate Apostolica tribuit, & impertitus fuit, & alias, prout in ipsius Clementis Praedecessoris literis desuper in simili forma Brevis die 30. Januarii 1671. expeditis, quarum tenorem praesentibus pro plene, & sufficienter expresso, ac inserto haberi volumus, uberius continetur. Nunc autem Nos laudabilem Christianidelium erga Mysterium supra dictum devotionem magis, magisque in dies augeri, & propagari cupientes, supplicationibus totius Congregationis eorumdem Clericorum Regularium Theatinorum nomine Nobis super hoc humiliter porrectis benigne inclinari, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianidelibus, quibus Scapularia benedicta hujusmodi, ut praefertur in posterum distribuatur, die quo illa primum susceperint, si vere poenitentes, & confessi Sanctissimum Eucharistiae Sacramentum sumserint, plenariam, necnon eisdem in cujuslibet eorum mortis articulo, si etiam vere poenitentes, & confessi, ac Sacra Communionem refecti, vel quatenus id facere nequiverint, saltem contriti nomen Jesu ore si potuerint, sin minus corde devote invocaverint, eidem plenariam. Ac ipsis pariter vere poenitentibus, & confessis, ac eadem Sacra Communionem refectis, qui aliquam ex Ecclesiis dictae Congregationis, vel Cappellam, seu Oratorium die festo ejusdem Conceptionis B. M. V. Immaculatae a primis vespere usque ad occasum solis diei hujusmodi singulis annis devote visitaverint, & ibi pro Christianorum Principum concordia, haeresum extirpatione, & S. R. E. exaltatione pias ad Deum preces effuderint, plenariam similiter omnium peccatorum suorum indulgentiam, & remissionem misericorditer in Domino concedimus. Insuper praedictis Christianidelibus, etiam vere poenitentibus, & confessis, ac Sacra Communionem refectis Ecclesiam vel Cappellam, seu Oratorium hujusmodi in aliis ejusdem B. M. V. festis diebus, ut praefertur, visitantibus, & ibidem orantibus, quo die praefatorum id egerint septem annos, & totidem quadragenas de injunctis eis, seu alias quomodolibet debitis poenitentis in forma Ecclesiae consueta relaxamus. Praesentibus perpetuis futuris temporibus valituris.

§. 2. Volumus autem, ut earumdem literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides tam in judicio, quam extra illud ubique locorum habeatur, quae haberetur ipsi praesentibus, si forent exhibitae, vel ostensa.

Datum Romae apud S. Petrum sub Annulo Piscatoris die XII. Maji MDCCX. Pontificatus nostri Anno Decimo.

A Clem. X. concessa fuit facultas benedicendi, & distribuendi dd. Scapularia caerulei coloris.

Praesentibus Congregationis Theatinorum conceduntur.

Indulgentia plen. in susceptione Scapularis.

In mortis articulo.

In festo Conceptionis B. M. V.

Sed in aliis festis Indulgentia 7. annorum, ac totid. Quadrag.